



## Universitätsbibliothek Paderborn

### **Thesavrvs Casvum Conscientiæ**

Continens Praxim exactissimam De Censvris Ecclesiasticis, Aliisque Poenis, & Canonicis impedimentis, in Septem Libros distributus ...

Decisiones Casvum Conscientiæ Ex Doctrina Consiliorvm Martini Ab Azpilcveta Doctoris Nauarri collectæ, & iuxta librorum iuris Canonici dispositionem in suos Titulos distributæ

**Sayer, Gregory**

**Venetiis, 1627**

55 Gallus sacris ante legitimam aetatem ordinatus, an suspensus sit?

**urn:nbn:de:hbz:466:1-13903**

cas, cum in cunctis, s. fi. de elect. Suspensionem tamē aut irregularitatem non incurrit, cum illa propter susceptio- nem beneficii curati ante ætatem non incurritur; quam- vis sic propter sacros ante legitimam ætatem susceptos. Exet. cum ex sacrorum.

DECISIO XLVII.

Ex consilio 45. aliis 10.

**A**nte legitimam ætatem ad aliquem sacrum ordinē promotus ipso iure suspensus est, vt colligitur ex Extr. cum ex Sacrorum, & ex Nau. in Man. c. 27. nu. 155 & proinde de inhabilis ad beneficium obtinendum, Arg. c. si celebrat. de elec. ex cot. minist. & si durante suspensione beneficium accipiat, collatio est nulla, nec fructus facti suos; beneficium vero antea legitime adeptum, per censuram vel irregularitatem superuenientem non perditur, vt ait c. cum nostris, de concess. præb. fructibus tamen eius vt non porest, durante censura, nisi solum ad honestam sui sustentationem glo. in c. cum vintoniensis, de elec. & Pan. ibi.

DECISIO XLVIII.

Ex cons. 47. deest in Nouis.

**C**ollatio dignitatum, personatum, & aliorum benefici- orum ecclesiarum Cathedralium, & Collegiarum secundum Concilium Tridentinum sess. 22. ca. 4. de refor. facienda habentibus iustam ætatem, & alias habilitates ad id requisitas, non requirit, vt valida sit, vt collatarus acta habeat ordines, & alias qualitates, sed sufficit, vt iustā ætatem habeat ad ordines illos suscipiendos, quos Concilium requirit, & habilis sit ad eos habendum, prout praxis Curie obseruat.

DECISIO XLIX.

**C**ollatio beneficii requirentis ex constitutione ordinem facta non habenti illum inuálida est, & omnes fructus, & distributiones quotidianas ab ipso perceptas restituere tenetur, cum beneficium illud sine vilo titulo canonico teneat, c. 1. de reg. iur. in 6. facta autem carenti ordine requisito in potenna solum, modo iustam ætatem habeat, & alias ad id habilis sit, valida est, vocem tamen in Capitulo non habet, & dimidiam distributionum quotidianarum etiam diebus, quibus intereſt Diuini officij, & horas Canonicas recitat, amittit. Clement. vt ij. quib. 2. de tra. & qualite.

DECISIO L.

Ex cons. 47. aliis 46.

**O**rdinatus suum ordinatorem accipiens dicendo se habere titulum patrimonij sufficientem, ita vt ordinator probabiliter credit, & credere debuit, illum non solum habere patrimonium, sed etiam sufficientem ad honestam sustentationem, suspensionem incurrit, cap. Neminem, c. Sanctorum, dist. 70. & Concil. Trid. sess. 2. ca. 2. de ref. & celebrando irregularis efficitur, ordinator vero eum alere non tenetur, cum ob solam culpam ordinandi, non sit puniendus ordinans. E contra, si ordinatus non decepit ordinatorem, sed ordinans probabiliter scire potuit eum vel titulum patrimonij non habere, vel si titulum habeat, non tamen sufficientem ad honestam sustentationem, ordinator nec suspensus est, nec ordine accepto vtens irregularitatem incurrit, cum ob solam ordinantis culpam, ordinator puniti non debeat, & ordinator ad eum alendum est obligatus, c. cum secundum, de præb. & Concil. Trid. vt supra. Quando ergo solus ordinatus est in culpa, ipse suspensus est, sed ordinator eum alere non tenetur, si vero solus ordinans in culpa sit, ipse ordinatum alere tenetur, ordinator autem immunis est a Suspensione; quando autem vtique tam ordinans quam ordipatus sunt in culpa, vtique puniendus erit, ita vt ordinatus maneat suspensus secundum antiquiores canones, d. c. Neminem, & c. Sanctorum donec cum eo dispensetur, ordinans autem secundum canones recentiores, d. c. cum secundum eum alere tenetur; quos omnes canones, Concilium Trident. sess. 2. cap. 2. de ref. pro ratione culpæ ordinantis, vel ordinati iuxta limitationem prædictam innoat: cum peccata

suos auctores tenere debeant, nec pœna vterius protrahenda est, quam delictum fuerit in excedente repertum. cap. Quæ sunt, de his quæ fiunt a maior. parte.

DECISIO LI.

Ex cons. 48. aliis 6.

**V**os ordines Minores in die veneris vnus hebdomadæ, & die Sabbathi quatuor temporum alterius immediate sequētis ordinem Subdiaconatus cum legitimis literis dimissorijs sui ordinarij, derogantibus necessitati seruandi interstitia temporum in accipiendis ordinibus minoribus, & maioribus, ab alieno Episcopo suscipiens, neque suspensionem, neque dictis ordinibus vtendo irregularitatem incurrit, cum in interstitijs seruandis ordinarius dispensare possit, vt patet per Concil. Tri. sess. 23. ca. 11 de ref.

Videtur auctor sibi contrarius in hoc consilio, cum in conc. 27. auctoritatem hanc dispensandi in interstitijs, Episcopo denegare visus sit.

DECISIO LII.

Ex cons. 46. aliis 5. de rescrip.

**O**btinens ab Episcopo suo ordinatio literas dimissorias vt offit a quocunque Catholico antistite, ad quoscunque etiā Sacros, & Presbyterij ordines promoveri, si antequam ordinetur, moriatur Episcopus, virtute illarum dimissoriarum ordinari potest, cum licentia assumentis ordines ab Episcopo concessa, non moritur, nec desinit valere mortuo, vel semoto, siue translato Episcopo eam concedente. Card. in Clem. fin. de elect. q. 5.

DECISIO LIII.

Ex cons. 50. aliis 2.

**A**nte legitimam ætatem sacris bona fide ordinatus, parentum testimonio credendo eam habere, suspensionem non incurrit, neque celebrando irregularis efficitur, cum lex puniens ordines sacros suscipere præsumentem ante legitimam ætatem, Extr. cum ex Sacrorum. bona fide eos sumentem non includat.

DECISIO LIV.

Ex cons. 51. aliis 26.

**O**rdinem sacrum ab alieno Episcopo sine legitimis literis dimissorijs suscipiens, suspensus est, Extr. cum ex Sacrorum, & iisdem ordinibus sacris durante suspensione vtens sit irregularis; d. Extr. & c. 1. de re iud. in 6. & c. 1. de senten. exc. in 6. nec ab Episcopo virtute Concilij Tridentini sess. 24. cap. 6. de refor. dispensari potest, cum irregularitas ex male ordinationis vtu incurſa ex delicto occulto nata dici nequeat; præsertim cum ordinationes in formam publicam redigi solent; vnde taliter ordinatus publica dispensatione per Datarium impetranda indiget vt ei quoad vtrumque forum proficit.

DECISIO LV.

Ex cons. 1. in Nouis deest in antiquis.

**O**rdinatus sacris ante ætatem legitimam Gallus in Gallia, si Bulla Pij II. Cum ex sacrorum, quæ est 6. in ordine in Bullario, ibi promulgata in Metropolitanis non fuerit, nec recepta, neque suspensus est, nec ministrando irregularis efficitur, neque vlla dispensatione indiget, sed solum vt de peccato pœniteat.

DECISIO LVI.

Ex cons. 4. in Nouis deest in antiquis.

**Q**ui alias canonicè ordinatus est, non seruatis tamen temporum interstitijs, quæ Concilium Tridentinū sess. 23. de ref. c. 11. requirit, quamuis ab Episcopo suspensū, & alijs pœnis ob canonicis transgressionem puniri possit, ipso tamen iure nec suspensus, nec irregularis est, cum neque a Concilio Trident. neque a iure, aliqua talis pœna ei imposita sit, qui non seruatis temporum interstitijs ordinatur.